

Na osnovu člana 24. Zakona o unutrašnjoj trgovini (Službene novine Federacije BiH, broj: 40/10 i 79/17), člana 11. Zakona o ugostiteljskoj djelatnosti (Službene novine Federacije BiH, broj: 32/09), člana 40. Zakona o obrtu i srodnim djelatnostima (Službene novine Federacije BiH, broj: 35/09, 42/11), i Članova 17. i 84. Statuta Grada Goražde („Službene novine Grada Goražde“, broj: 5/18) Gradsko vijeće Goražde na **petnaestoj** redovnoj sjednici, održanoj dana **06.07.2022.** godine
d o n o s i :

NACRT ODLUKE

o dopuni Odluke o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Goražde

Član 1.

Ovom Odlukom se član 10. Odluke o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Goražde dopunjava se novim stavom koji glasi: „Privrednim subjektima iz ovog člana kao i iz člana 6. ove Odluke, nije dozvoljen rad nedjeljom na području Grada Goražda“.

Član 2.

Ova odluka stupa na snagu danom objavljivanja u službenim novinama Grada Goražda.

Obrazloženje:

Na 11. redovnoj sjednici Gradskog vijeća Grada Goražde, održanoj 23.12.2021. godine, podnio sam inicijativu za donošenje propisa kojim će se ograničiti radno vrijeme pravnih i fizičkih osoba iz oblasti trgovine na području Grada, pri čemu će osnovan intencija biti uvođenje neradne nedjelje u trgovačkoj djelatnosti. Inicijativa broj 01-02-1-4696 je usvojena na 13. redovnoj sjednici Gradskog vijeća Grada Goražde održanoj 30.03.2022. godine (13 glasova ZA, 1 SUZDRŽAN), a Zaključkom o usvajanju inicijative definirano je da se Gradonačelnik i nadležna gradska služba zadužuju da u roku od 30 dana pripreme adekvatne materijale za raspravu Vijeću. S obzirom da je od usvajanja Zaključka prošlo više od 90 dana, a da u međuvremenu Vijeće nije dobilo materijale na razmatranje, predlažem Nacrt odluke o dopuni „Odluke o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Goražde“ („Službene novine Općine Goražde“, broj 08/16) u iznad navedenoj formi, čime bi se dopunom postojeće Odluke normirala neradna nedjelja na području Grada, za objekte koje Član 6. Odluke definira kao „prodavnice u kojima se obavlja trgovačka djelatnost na malo“ i za objekte koje član 10. Odluke definira kao „ostale trgovačke objekte u kojima se obavlja trgovačka djelatnost i pružaju trgovačke usluge“. Ovom dopunom Odluke bi se praktično propisala neradna nedjelja za objekte trgovačke djelatnosti na području Grada Goražda, a sam prijedlog dopune formalno-tehnički ne podrazumijeva značajnije izmjene postojeće Odluke. Imajući u vidu da je sama tematika osjetljiva i od suštinskog značaja, kako za uposlenike u trgovinama, tako i za vlasnike trgovina, ovu dopunu Odluke o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Goražde predlažem u formi nacrta, kako bi se kroz javne rasprave pružila prilika svim zainteresiranim stranama da učestvuju u oblikovanju i kreiranju ovog propisa, a sve sa ciljem donošenja i provođenja što kvalitetnije odluke kojom će se namjera da se ograniči rad trgovinama nedjeljom uobličiti u najprihvatljivoj i najefikasnijoj formi.

BPK-a Goražde, broj: 13/07) Općinsko vijeće Goražde na drugoj, redovnoj sjednici, održanoj dana 29.12.2016. godine d o n o s i :

O D L U K U
o radnom vremenu objekata u oblasti trgovine,
ugostiteljstva, obrtničkih
i srodnih djelatnosti na području Općine
Goražde

I OPĆE ODREDBE

Član 1.
(Predmet Odluke)

Ovom Odlukom utvrđuje se radno vrijeme i raspored radnog vremena, radno vrijeme u dane državnih praznika i u neradne dane, u objektima na području Općine Goražde u kojima privredni subjekti obavljaju trgovačku, ugostiteljsku, obrtničku i srodnu djelatnost.

Član 2.
(Definicije izraza)

Pojedini termini upotrebljeni u ovoj Odluci imaju sljedeće značenje:

- Privredni subjekat je pravno lice ili fizičko lice, koje obavlja trgovačku, ugostiteljsku, obrtničku i srodnu djelatnost, u skladu sa propisima kojima je uređeno obavljanje tih djelatnosti;
- Minimalno radno vrijeme je radno vrijeme u kojem objekti u kojima se obavljaju trgovačke, ugostiteljske, obrtničke i srodne djelatnosti moraju biti otvoreni radi zadovoljavanja potreba građana;
- Ljetni period je vrijeme od 01.aprila do 30. septembra tekuće godine;
- Zimski period je vrijeme od 01. oktobra tekuće godine, do 31. marta naredne godine.

Član 3.
(Minimalno radno vrijeme)

- 1) Minimalno radno vrijeme traje najmanje 7 (sedam) sati dnevno, subotom 5 (pet) sati, koje su privredni subjekti dužni odrediti u vremenskom intervalu od 06:00 -20:00 sati u ljetnom periodu, a od 07:00 -19:00 sati u zimskom periodu, osim ako ovom Odlukom nije dugačije određeno.

- 2) Minimalno radno vrijeme se može odrediti i dvokratno.

- 3) Radna sedmica za sve djelatnosti iz člana 1. ove Odluke ne može biti kraća od 6 (šest) radnih dana, osim ako ovom Odlukom nije drugačije određeno.

Član 4.
(Radno vrijeme duže od minimalnog)

Radno vrijeme može biti duže od minimalnog radnog vremena utvrđenog ovom Odlukom ukoliko privredni subjekti donesu takvu Odluku, izuzev za ugostiteljske objekte iz člana 11. ove Odluke za koje je propisano ograničeno radno vrijeme.

Član 5.
(Određivanje radnog vremena uz obavijest)

- 1) Privredni subjekti su dužni odrediti radno vrijeme u skladu sa ovom Odlukom.
- 2) Obavijest o radnom vremenu mora se istaći na vidno mjesto na ulazu u poslovne prostorije.

II RADNO VRIJEME TRGOVAČKIH OBJEKATA:

Član 6.
(Radno vrijeme prodavnica na malo)

U prodavnicama u kojima se obavlja trgovačka djelatnost na malo, mora se obezbijediti minimalno radno vrijeme u skladu sa članom 3. Odluke.

Član 7.
(Radno vrijeme dragstora)

Dragstor mora biti otvoren neprekidno od 00,00 do 24,00 sata.

Član 8.
(Radno vrijeme tržnica, sajmova, izložbi i drugih povremenih načina obavljanja trgovine)

- 1) Radno vrijeme tržnica utvrđuje se tržnim redom.

- 2) Radno vrijeme sajmova, izložbi i drugih povremenih načina obavljanja trgovine određuju privredni subjekti.

Član 9.

(Radno vrijeme benziskih pumpi)

Benzinske pumpe koje vrše prodaju nafte i naftnih derivata moraju biti otvorene svakim radnim danom, nedjeljom i u dane državnih praznika minimalno od 06,00 do 24,00 sata.

Član 10.

(Radno vrijeme ostalih trgovačkih objekata)

U ostalim trgovačkim objektima u kojima se obavlja trgovačka djelatnost i pružaju trgovačke usluge mora se obezbijediti minimalno radno vrijeme, u skladu sa članom 3. Odluke.

III RADNO VRIJEME UGOSTITELJSKIH OBJEKATA:

Član 11.

(Radno vrijeme ugostiteljskih objekata iz skupina "Restorani", "Barovi", "Catering objekti" i "Objekti jednostavnih usluga")

- 1) U ugostiteljskim objektima iz skupina "Restorani", "Barovi", "Catering objekti" i "Objekti jednostavnih usluga", izuzev ugostiteljskih objekata vrste: noćni bar, noćni klub i disco klub, mora se obezbijediti minimalno radno vrijeme u skladu sa članom 3. Odluke, s tim da se u ovim objektima određuje završetak radnog vremena najkasnije do 23,00 sata u zimskom periodu, a do 24,00 sata u ljetnom periodu.
- 2) Izuzetno, od stava 1. ovog člana, petkom i subotom, u dane državnih praznika, objekti iz stava 1. ovog člana mogu da rade najkasnije do 24,00 sata u zimskom periodu, a do 01,00 sat narednog dana u ljetnom periodu.
- 3) Odredbe iz stava 1. i 2. ovog člana odnose se i na radno vrijeme ljetnih bašti ispred ugostiteljskog objekata, kao i na slobodno stojeće otvorene bašte.
- 4) Vrste ugostiteljskih objekata: noćni bar, noćni klub i disco klub su vrste koje rade noću i mogu da počnu sa radom najranije u 20,00 sati u zimskom periodu, odnosno u

21,00 sat u ljetnom periodu, a da rade najkasnije do 3,00 sata narednog dana u zimskom periodu, odnosno do 4,00 sata narednog dana u ljetnom periodu.

- 5) Ugostiteljski objekti iz stava 4. ovog člana, mogu imati kraću radnu sedmicu, od one utvrđene u članu 3. stav 2. ove Odluke.

Član 12.

(Radno vrijeme ugostiteljskih objekata iz skupine "Hoteli" i druge vrste ugostiteljskih objekata za smještaj)

- 1) Ugostiteljski objekti iz skupine "Hoteli" i druge vrste ugostiteljskih objekata za smještaj moraju biti otvoreni svaki dan od 00,00 do 24,00 sata neprekidno.
- 2) Izuzetno od prethodnog stava, ugostiteljski objekti za smještaj, koji posluju kao dvije vrste ugostiteljskih objekata, (npr. restoran-pansion i sl.), u tom slučaju vrsta ugostiteljskog objekta za smještaj može utvrditi kraće radno vrijeme od onog propisanog u stavu 1. ovog člana.

IV RADNO VRIJEME OBRTNIČKIH DJELATNOSTI

Član 13.

(Radno vrijeme objekata u kojima se obavljaju obrtničke i srodne djelatnosti)

- 1) Objekti u kojima se obavljaju obrtničke i srodne djelatnosti moraju obezbijediti minimalno radno, u skladu sa članom 3. Odluke.
- 2) Izuzetno, od odredaba prethodnog stave, objekti u kojima se obavlja pekarska djelatnost moraju biti otvoreni svakim radnim danom, uključujući nedjelju i državne praznike od 07,00 do 19,00 sati.

V NADZOR

Član 14.

(Nadzor)

Nadzor nad sprovodenjem odredaba ove Odluke vrši nadležna inspekcija i organi policijske uprave.

VI KAZNENE ODREDBE

Član 15.

(Novčane kazne za fizička lica)

- 1) Imalac radnje kaznit će se novčanom kaznom u iznosu od:
 - a) 500,00 KM do 1.000,00 KM oko odredi radno vrijeme suprotno odredbama ove Odluke (član 6.,7.,8.,9.,10.,11., 12. i 13.)
 - b) 100,00 KM do 500,00 KM ako:
 - ne odredi radno vrijeme (član 5. stav 1.),
 - na propisan način ne istakne obavijest o radnom vremenu (član 5. stav 2.)
 - ne postupi u skladu sa članom 17. Odluke.

Član 16.

(Novčane kazne za pravna lica)

- 2) Pravno lice kaznit će se novčanom kaznom u iznosu od :
 - a) 1.000,00 KM do 3.000,00 KM oko odredi radno vrijeme suprotno odredbama ove Odluke (član 6.,7.,8.,9.,10.,11., 12. i 13.)
 - b) 500,00 KM do 1.500,00 KM ako:
 - ne odredi radno vrijeme (član 5. stav 1.),
 - na propisan način ne istakne obavijest o radnom vremenu (član 5. stav 2.)
 - ne postupi u skladu sa članom 17. Odluke.
- 3) Za prekršaj iz ovog člana kaznit će se odgovorno lice u pravnom licu novčanom kaznom u iznosu od:
 - a) 500,00 KM do 1.500,00 KM za prekršaj iz stava 1. tačka a) Odluke,
 - b) 200,00 KM do 1.000,00 KM za prekršaj iz stava 1. tačka b) Odluke.

VII PRIJELAZNE I ZAVRŠNE ODREDBE

Član 17.

(Obaveza usklađivanja radnog vremena privrednih subjekata)

Privredni subjekti koji obavljaju djelatnost iz člana 1. Odluke dužni su radno vrijeme uskladiti sa odredbama ove Odluke u roku od 30 dana od dana njenog stupanja na snagu.

Član 18.
(Stupanje na snagu)

Stupanjem na snagu ove Odluke prestaje da važi Odluka o radnom vremenu objekata i uslužnih radnji ("Službene novine Bosansko- podrinjskog kantona Goražde", broj: 5/98 i 19/98).

Član 19.

Ova Odluka stupa na snagu osmog dana od dana objavljivanja u "Službenim novinama Općine Goražde".

**Broj: 01-02-2-4472
Goražde, 29.12.2016. godine**

PREDSJEDAVAJUĆA VIJEĆA

Jelena Mirković

1564

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde na drugoj, redovnoj sjednici, održanoj dana 29.12.2016. godine, donosi:

ZAKLJUČAK

1. Prijedlog Odluke o postavljanju i zamjeni kućnih brojeva i natpisa ulica na urbanom području Općine Goražde, vraća se predlagajuću na doradu.
2. Zaključak stupa na snagu danom donošenja, a bit će objavljen u "Službenim novinama Općine Goražde".

Broj: 01-05-2-4474
Goražde, 29.12.2016. godine

PREDSJEDAVAJUĆA VIJEĆA
Jelena Mirković